

# NZAMBI VUTULA MVUTU NA BISAMBU NA BETO NA MPILA YA YANDI MOSI KE MONA MBOTE

**Baverse ya Leso:** 2 Korinto ch 12 vs 7 tii na 10

**Verse ya Bible ya Kulonguka:** 2 Korinto ch 12 vs 9a

*Yandi tubilaka mono nde: “Kuzola ya nene ya mono ke zolaka nge kele mambu yonso ya nge ke na yo mfunu, sambu ngolo na mono ke lutaka kumonika na ntangu yina ya nge ke na kikesa ve.”*

**Kikuma ya Leso:**

Na nsuka ya lesu yai, bana ya classe na mono ta bakisa nde Nzambi vutula mvutu na bisambu na beto na mpila ya Yandi mosi ke mona kuluta mbote. Mbala mingi Yandi vutula, “Ee. Bika yo salama na mpila nge me samba. Mbala na mbala Yandi vutula nde, “Ee, kansi sesepiyai ve. Nge kinga ntete, to nge landa kaka ya kusamba. Mbala na mbala Yandi vutula nde, “Yina ve. Mono kele na lukanu ya kuluta mbote sambu na nge.”

**Kuyidika na ntwala ntangu ya classe:**

Sosa bansende to dessiner yo sambu na #1 na Leso ya Bible--Malongi ya Nene.

**Bankunga ya Kwenda Mbote ti Leso Yai :**

Yesu Ke Mfumu

Ya’ Kele Mfumu ya Bamfumu

**Kuyantika lesu:**

Na theatre, bana lenda songa muntu ya me samba mingi, kansi yandi me mona ntete ve mvutu yandi sosaka. Yandi ke yantika kudyula keti Nzambi ke na ntima ya nkenda, keti Yandi kele kwikama, ata kana Yandi kele ya kieleka kuna.

**Leso ya Bible--Malongi ya Nene:**

**1. Ntumwa Paulo vandaka na maladi ya pesaka yandi mpasi na nitu.**

**Tangila bana:** 2 Korinto kapu 12, nzila ya kutanga 7

*7 Kansi Nzambi zolaka ve nde mono vanda na lulendo mingi sambu na mambu ya kuyituka ya yandi songaka mono. Yo yina yandi pesaka mono maladi mosi ya mpasi ; maladi yina kwisilaka mono bonso ntumwa ya Satana sambu na kubula mono, sambu mono vanda na lulendo mingi ve.*

**Yula bana:**

Musoniki: Mama Lorella Rouster de MCE

- Ntumwa Paulo vandaka kusonikila bakwikidi ya zingaka na bwala Korinto, ebuna yandi vandaka kusonga bo ndambu ya mambu ya yituka ya Nzambi me sala sambu na yandi. Kansi Nzambi zolaka ve nde Paulo kuvanda inki mutindu ? (Yandi zolaka ve Paulo kuma lulendo)
- Ebuna, Nzambi pesaka yandi inki ? (Maladi mosi ya mpasi)
  - Ntumwa Paulo monaka maladi yina bonso inki? (Ntumwa ya Satana sambu na kubula yandi)
  - Maladi yai vandaka maladi mosi to makambo ya nitu, ya pesaka mpasi ti kumisaka luzingu na Yandi mpasi. Keti nge banza Ntumwa Paulo vandaka na kiese kuvanda na mpasi? (Ikele ve. Ata muntu mosi ve zola kuvanda na mpasi.)
  - Bantu ikele ya ke longuka Bible ya yindula nde maladi yai vandaka maladi ya meso, nde Paulo monaka mpasi ya kumona mbote. Bo yindula yo sambu na mpila Ntumwa Paulo sonikaka na *Galatia 6 :11 : Beno tala mutindu mono ke sonikila beno na bisono yai ya nene, na diboko ya mono mosi.* Bo yindula nde, mbala ya nkaka Paulo sonikaka na bisono ya nene sambu yandi monaka ve mbote-mbote. Keti yai lenda pesa mpasi ? (Yo lenda, kana kisalu ya nge kele kusadila meso mingi. Mbala ya nkaka meso na yandi pesaka yandi mpasi.)
  - Kansi beto zaba ve kieleka maladi yai vandaka inki. Beto zaba kaka kima mosi sambu na yo. Inki yina? (Yo pesaka yandi mpasi.)

#### **Kusonga na bana:**

Longi, kana mpila ikele, nata nti ya kele ti basende. Kana mpila kele ve kumona kima yina, desinner foto na yo. Yula inki yo kele, tii keti yo pesa mpasi kana yo simba nitu ya nge. Yula keti bantu zola kutula yo na nitu. Ntumwa Paulo mpi monaka mpasi bonso yo.

#### **Bana sala:**

Bana yonso kutuba na ritime: **A-ta ba-kris-to** ya **m-bo-te** lenda mona **mpaaa-si**.

#### **Yula bana:**

- Ntumwa Paulo tubaka nde Nzambi vandaka na lukanu to raison ya kupesa mpasi yai na yandi. Yandi tubaka nde yandi pesaka yo sambu na inki? (Sambu Paulo vanda lulendo mingi ve.)
- Sambu na inki nge banza Ntumwa Paulo lenda vanda na lulendo ? (Yo ke monika nde Nzambi zabaka nde bonso Nzambi me songa Ntumwa Paulo mambu mingi,

yo zolaka kubenda yandi kuvanda na lulendo.)

- Kana Paulo kumaka lulendo, yai zolaka kubebisa kisalu ti luzingu na yandi? (Ee, yo fweti bebisa yo, sambu yo kele masumu. Ebuna na mawa na Yandi, Nzambi pesaka Yandi mpasi mosi ya nitu, sambu yandi kudikulumusa.)

**Bana sala :** Bana ya classe sala theatre kusonga nde muntu ke mona mpukumunu kuvanda na lulendo, kansi mpasi ya nitu mosi kele kulumusa yandi.

**Yula bana :**

Paulo monaka mpasi yai bonso “ntumwa ya Satana.” Keti Satana lenda sala ata mambu mosi kana Nzambi kangula yandi nzila ve ? (Ikele ve. Ata Satana tindaka mpasi yina, bambuka nde Satana lenda sala kaka yina ya Nzambi kangula yandi nzila ya kusala. Nzambi ndimaka nde Satana pesa yo na Ntumwa Paulo, ye yandi salaka mpidina sambu yo sala kisalu ya mbote na luzingu ya Paulo.)

**Bana sala :** Bana yonso tuba na ritime: **In-ki Sa-ta-na tin-da ya m-bi, Nza-mbi ba-lu-la yo m-bo-te.**

## 2. Paulo sambaka mbala tatu nde maladi yina kumana.

**Tangila bana:** *2 Korinto ch 12 vs 8*

*8 Mono sambaka Mfumu Yesu mbala tatu sambu yandi katula mono maladi yina*

**Yula bana:**

- Paulo sambaka Nzambi mbala ikwa sambu na maladi yina? (Mbala tatu)
- Yandi lombaka Nzambi kusala inki? (Kukatula maladi yina na yandi)

**Bana sala:**

Bana yonso kutuba na ritime: **Ntan-gu mo-no mo-na mpa-si, mono ta saaaaa-mba.**

Na nima, bana yonso mbala mosi lenda sala theatre kusonga Ntumwa Paulo, mpila yandi sambaka Nzambi kukatula maladi yina.”

**Yula bana:**

- Paulo zabaka baverse mingi ya Bible ya songaka nde Nzambi zolaka kusadisa bantu na yandi. Mbala ya nkaka yandi yindulaka yo. Inki baverse nge ke bambuka ya ke sila nde Nzambi ta wila bisambu na beto ti yandi ta sadisa bantu na Yandi?

(Longi, baverse ya mutindu yina kele mingi ya bana lenda tuba. Kana bo lenda bambuka ve baverse mutindu yina, mosi kele Yerima ch 33 vs 3: “Samba Mono, Mono ta wila nge; mono ta songa nge mambu ya nene ti ya kuyituka ya nge me zabaka ntete ve.”

- Sambu na inki nge banza Paulo bikisaka ve kusamba na mambu yina? (Sambu Paulo zabaka baverse mingi bonso yo, ya songaka nde Nzambi ta sadisa beto.

**Bana sala:** Bika bana samba mbala tatu, ngolo mpila Paulo sambaka.

### 3. Nzambi pesaka mvutu na bisambu ya Paulo.

**Tangila bana:** *2 Korinto ch 12 vs. 9*

- *9 Yandi (Nzambi) tubilaka mono nde : “Kuzola ya nene ya mono ke zolaka nge kele mambu yonso ya nge ke na yo mfunu, sambu ngolo na mono ke lutaka kumonika na ntangu yina ya nge ke na kikesa ve.”*

**Yula bana:**

- Nzambi vutulaka nde Paulo vandaka na mfunu ya mambu mosi kaka. Inki yo? (Kuzola ya nene ya Nzambi ke zolaka yandi)
- Nzambi tubaka nde ngolo na Yandi ke monikaka kuluta inki ntangu? (Ntangu beto ke na kikesa ve)
- Inki mutindu yo lenda vanda nde ngolo ya Nzambi ke monika kuluta na ntangu beto kele ngolo ve? Inki nge banza? (Longi, kuwa mabanza ya bana. Kana beto kele ngolo, bantu lenda mona bonso yo kele ngolo na beto ya ke sala. Kansi kana beto kele ngolo ve, bantu fweti ndima nde yo kele Nzambi ya ke sala.)
- Inki mvutu Nzambi ke pesa Paulo? Yandi ke tuba “Ee, mono ta katula maladi yina,” to Yandi ke tuba nde, “Ve, mono ta katula yo ve.” (Yandi ke tuba nde Ve, mono ta katula yo ve.)

**Bana sala:** Bana yonso tuba to kuyimba na ritime: “Mv-u-tu “ve” lenda van-da m-bote, kana Nzam-bi me tu-ba yo.” Na nima, Bana zole lenda sala mwa-theatre bonso mosi kele Paulo ke samba, ya nkaka bonso Nzambi ya ke pesa mvutu.

### 4. Ntumwa Paulo bakisaka nde mvutu ya Nzambi vandaka sambu na mambote na yandi.

**Tangila bana:** *2 Korinto ch 12 vs 10*

*10 Yo yina, kana mono ke na kikesa ve, kana bo vwenza mono, kana mono mona mpasi mingi, kana bo monisa mono mpasi, kana mono mona ntangu mingi sambu na Kristo, mono fweti mona kiese na mambu yina yonso. Sambu, kana mono ke na kikesa ve, na*

*ntangu yo yina mono ke vandaka ngolo.*

**Yula bana:**

- Paulo tubaka nde na bampasi yonso, yandi fweti mona inki? (Yandi fweti mona kiese.)
- Ntangu yandi kele kikesa ve na nitu, ntangu yina yandi kele inki mutindu na kimpeve? (Ngolo na kimpeve)
- Keti Paulo vandaka na makasi na Nzambi sambu na mvutu Nzambi pesaka yandi? (Ikele ve.)
- Keti Paulo vandaka kubokuta sambu na yo? (Ikele ve. Yandi ndimaka yo.)

**Bana sala:** Mwana mosi ya classe lenda songa mpila Paulo ndimaka mvutu ya Nzambi.

**5. Paulo landaka kusadila Nzambi na mpila mosi ya mbote.**

**Tangila bana:**

Nzambi sadilaka yandi mingi, ata Yandi katulaka ve maladi ya mpasi yina. Ebuna Paulo bebaka ve na lulendo, ye Nzambi vandaka na mpila kulanda kaka kusadila yandi na mpila mosi ya ngolo. Yandi twadisaka bantu mingi na Yesu, ti yandi sonikilaka mikanda mingi ya ikele na Bible na beto.

**Bana sala:** Bana yonso tuba na ritime:

Ntwadisi: Na bamvutu na Nge yonso.

Bana: Matondo Nzambi!

Ntwadisi : Bu nge ndima bisambu,

Bana : Matondo Nzambi !

Ntwadisi : Bu nge buya lukanu na mono,

Bana : Matondo Nzambi !

Ntwadisi: Na bamvutu na Nge yonso,

Bana : Matondo Nzambi !

Ntwadisi : Nge Nzambi zaba mbote.

Bana: Matondo Nzambi!

**Kumanisa leso:**

- Nani ke zaba inki kele kuluta mbote sambu na beto—Nzambi, to beto mosi? (Nzambi)

[www.teachingforafrica.com](http://www.teachingforafrica.com)

De l'ONG "Ministères pour Chaque Enfant"

- Inki mutindu Nzambi ke zaba inki me luta mbote kuluta beto? (Bana ya classe lenda tuba nde Nzambi zaba makambo yonso, Yandi mona inki ta salama na ntangu ke kwisa, Yandi zaba ntima na beto, Yandi bakisa na inki beto kele ngolo mingi ve, etc.)

Beto zaba mambu yonso ve bonso Nzambi ke zaba yo. Nzambi zaba inki ta sadisa beto ti inki ta benda probleme ya ta bebisa beto. Yandi ta pesa beto ve mambu ya ta bebisa beto. Yandi ke songa luzolo, ata na ntangu Yandi ndima bisambu na beto, ti ata na ntangu Yandi vutula mvutu ya “Ve” na bisambu na beto.

“Ve” ya Nzambi ke tuba kieleka nde “Mono kele na lukanu kuluta mbote sambu na nge.”

### **Devoir sambu na bana ya me yamba Yesu:**

Ntangu nge ke samba na mposho yai, keti nge ta bambuka nde Nzambi zaba inki mutindu ya kuluta mbote kupesa mvutu na bisambu ya nge? Keti nge lenda songa Nzambi nde nge tula Yandi ntima kupesa nge mvutu ya kuluta mbote? Keti nge lenda songa Yandi nde, ata Yandi pesa mvutu konso mpila, nge ta kwikila Yandi? Nge ta ndima mvutu ya Yandi ta pesa ?

### **Kubinga bana ya zaba Yesu ntete ve:**

Kisambu mosi ikele ya Nzambi ta ndima mbala yonso. Kisambu yai kele ya muntu ya bakisa nde yandi me sala masumu, ya bakisa nde yandi ke na mfunu ya mvulusi, ebuna yandi binga Mfumu Yesu Kristo kuvanda mvulusi na yandi. Roma kapu 10 nzila ya kutanga 13 ke tuba, “Konso muntu ya ta binga zina ya Mfumu, yandi ta guluka.”

Kana nge me balula ntima ntete ve, kubika banzambi yonso ya nkaka ti kutula ntima na Mfumu Yesu Kristo, Yandi kaka, keti nge ta sala yo sesepeyayi? Mvutu na kisambu yai ta vanda konso ntangu, “Ee.” Kana nge ke na mfunu ya lusadisya na mambu yai, nge lenda bikala na nima ya ecodim ti vanda awa. (Longi, songa wapi bana ta vanda kana bo ke sosa kutula ntima na Yesu.) Mono ta bakisa inki nge ke sosa, ebuna mono ta kwisa ti mono ta samba ti nge.

===

NSUKA YA LESO

==

### **NB: Atasio, longi!**

Ntangu yai, nge me manisa kusadila baleso yai. Baleso ya mpa ke kinga nge na Centre des Matériels, sika nge me defa baleso yai. Mabundu ya nkaka mpi ke kinga kudefa baleso yai sambu bo mona mpila kulonga bana na bo. Ntangu yai, vutula matériels yonso na sachet ti vutula yonso na Centre des Matériels ya MCE. Merci mingi sambu na collaboration ya nge !